



Шоломо эл, порывик да гим верр!

Будь готов/

# ЯМДЕ-ЛИЙ

1933 ий 1 февраль годсек лектеш.

0+

8 июль – Еш,  
йоратымаш  
да ўшанле  
улмо кече.

## Марий тўвыра – чоныштышт



Фотом еш архив-гыч налме.

Марий тўвыра верч азапланыше, марий йўла, марий ойпого негызеш икшывыштым ончен куштышо ешым вашлиятат, чоң куана. Тыгай ешлан Йошкар-Олаште илыше Шабалинмыт (снимкыште) шотлалтыт. Вате-марий Елена Ивановна ден Валерий Николаевич Киров кундем Уржум район гыч улыт. Озавате изи годсек гармонь дене шоктен да

мурен, концертлаште мастарлыкшым ончыктен. Пелашыжат изинек марий мурым колыштын кушкын. Тудын аваже «Марий муро» фольклор ансамблын уста участницыже лийын.

Елена ден Валерий Шабалинмыт марий йылмым, тўвырам йоратымыштым икшывышт-влакын чонышкышт шындарат. Ешыште кок икшыве кушкеш. Коктынат

Йошкар-Оласе 10-шо номеран школышто шинчымашым погат. Кристина шымше классым тунем пытарен, Артём – кумшым. Тылеч посна ака-шольо И.С.Палантай лўмеш тўвыра да сымыктыш колледж пеленысе музыкальный школышто усталыкыштым вияндат.

Умбакы-  
же 3-шо  
лаштыкыш-  
те лудса.



Фотом Интернет гыч-налме.

«Россия – страна 21 века» проект почеш Великий Новгород-дышто самырык моряк-влакын всероссийский слётышт эртаралтын. Тушко түрлө

регион гыч 15 команде ушнен. Конкурс кок кече шуйнен. Марий Эл Республикысе Козьмодемьянск ола гыч «Паллада» парусник клубын командыже (снимкыште) икымше верыш лектын.

### Российысе увер

Москосо Сенгымаш тоштер «Собаки – герои» тўнжамбал сўрет конкурсым увертарен. Тушко кажне кумылан ег ушнен кертеш. Сўретым 25 июль марте колтыман. Тўрыс уверым [victorymuseum.ru](http://victorymuseum.ru) сайтыште ончыза.

«Мы» всероссийский национальный видеоролик конкурсыш кажне кумылан ег ушнен кертеш. Видеоом вой-зен, [konkurs@blitzfilms.ru](mailto:konkurs@blitzfilms.ru) адрес дене 31 июль марте колтыман.

14 ияш деч кугурак ий-готан ўдыр-рвезе-влак, «Наша Победа 80» всероссийский усталык конкурсыш ушныза. Фотом, сўретым, видеомыштен, #праделдвоевал #медалиневрут #сохраниправду хештегла дене соцкыллаш верандыза. Тўрыс уверым [Leader-ID.ru](http://Leader-ID.ru) сайтыште лудса.

### Марий Элысе увер

Марий Элыште Андрей Эшпай лўмеш фестиваль икымше гана лиеш. Тудым Э.Сапаев лўмеш Марий кугы-жаныш опер да балет академический театр сентябрьште эртара. Фестиваль опер сымыктышлан пўлеклалтеш. Российысе түрлө театр гыч артист-влак усталыкыштым ончыктат.

### Шекланыза!

Марий Элыште идальк тўналтыш гыч 14 ег вўдыш пуренгаен. Нунын коклаште йоча-влакат лийыныт. Кугыен-влак деч посна вўдыш ида пуро. Тўткў лийза.

«Образование» нацпроектын «Современная школа» федерал проектше почеш Марий Турек районысо Косолап школ-интернат у оборудований дене пойдаралтеш. «Технологий» уроком эртараш пўлем-влакым уэмдат. Психологий да педагогике кабинетым пойдарат. Спорт арвер-влакым налыт.

### Историйым шергалына

1944 ий 29 июнышто Минский операций тўнжалан. 3 июлышто Йошкар армий Минск олам фашист кашак деч тўрысnek утарен.

1770 ий 7 июлышто руш эскадр Чесменский бухтышто турко флотым кырен шалатен. Руш флотым граф Алексей Орлов вуйлатен. 7 июль Российыште Воинский чап кече семын палемдалтеш.

### Дивеевыш – унала

Мый «Волшебное русское слово» регион-влак коклаше сылнымут конкурсышто сочинений тагасыште сенгышыш лектынам. Пўлек – Угарман кундемысе Дивеево монастырьыш пўтёвко. Куанже мыняре! Руш йылмым да литературым туныктышо Эвелина Анатольевна Егорова дене кум кечылан канаш миенна.

Кристина ПРОТАСОВА.

Волжский, Сотнур.

### Чеверын, школ!

Морко район Коркатово лицейын 11-ше классшым 65 ўдыр-рвезе тунем пытарен. Нунын кокла гыч 8 тунемше «За особые успехи в учении» медаль дене палемдалтын. Снимкыште Настя Григорьевам, Виктория Квардаковам, Полина Хныгинам ужда. Нуно биологий да химий классыште тыршен тунемыныт.

Марий Элыште кум тўжсем наре ўдыр-рвезе школ дене чеверласен. Образований да науко министрствын уверже почеш, 340 выпускниклан «За особые успехи в учении» медальым кучыктымо.



В.СМИРНОВЫН фотожо.

24-27 июньшто Йошкар-Ола воктенысе Якимово ялыште верланыше «Кумыс.ру» турист комплексште самырык автор-влаклан «Кенеж сьлнымутчо-2021» литератур семинар лийын. Тудым «ВийАр» тўвыра да келшымаш кыл мер ушем РФ Президент грант-влакын фондштын полшыж дене эртарен. Проектым Мер каҥашын оналмашыже Алена Иванова вуйлата, авторжо – поэтессе Зоя Дудина.



КЕНЕЖ СЬЛНЫМУТЧО

## Самырыклан уло ўшан



Д.ВЕДЕНЬКИНЫН фотожо.

Семинарыш Марий Эл Республикын район-слаже, Йошкар-Ола, Моско, Озан, Нефтекамск олала, Мордовий гыч самырык еҥ-влак чумыргеныт. Тенийысе семинарын программыже поян лийын. Уста еҥ-влакын проектштым илышыш шыҥдараш киностудий, йўкым возышо, литератур, театр студий-влак полшеныт. Кинорежиссёр, сценарист Н.Степанова фильмже-влакым ончыктен да

тудым войзымо паша дене палдарен. Участник-влак чуваш писатель Р.Сарби дене вашлийыныт. Наталья ден Виталий Курдрывцевмыт мастер-классым эртареныт.

Семинарышке школышто туземше-влак ушненыт: Оршанке район Кугунур школ гыч Ксюша Черёмушкина ден Диана Богданова, 1-ше номеран Шернур школ гыч Дима Веденькин, Параньга район Матародо гыч Вилена Гордеева. Нуно сьлнымутышко икымше ошкылым ыштат. Снимкыште ўдыр-влакым да ача-авашт дене пырля толшо изи икшыве-влакым ужыда.

**Х.АЛЕКСАНДРОВА.**

«ВийАр» мер ушем тўвыра, сымкытшы, сьлнымут аланыште тыршыше-влаклан икымше гана премийым кучыктен. Вич еҥ лауреат лўмым налын. Нунын коклаште – самырык прозаик А.Михайлова.



## «Кугарнялан» – 30 ий

Самырык-влаклан, чынракше марий калыклан пўлеклалтше «Кугарня» газетын икымше номерже 1991 ий 5 июлышто савыкталтын. Тунамсе илышын йодмыжым шуктен, самырык-влакын «У вий» ушемштын чолга марий ўдыр-рвезыже-влак у газетым шочыктеныт. Икымше редактор А.С.Абдулов лийын.

Кызыт «Кугарнян» тўн редакторжо – В.В.Аптулаев. «Кугарня» газет» кугыжаныш казна унитар предприятийым Э.А.ИМАНАЕВ вуйлата.

– *Кугешнен каласыман, «Кугарня» газетын чыла гаяк пашаеҥже «Ямде лийын» чолга юнкоржо лийын. Тыге вет, Эдуард Аркадьевич?*

– Тиде тошкалтышым шукынжо эртеныт. Мутлан, Зоя Тимофееван (Висвис), Эльвира Терентьеван (Ендылетова), Ирина Степанован (Ябердина) пашашт-влак «Ямде лийыште» чўчкыдын савыкталтыныт. Вара нуным Надежда Моисеева (Васильева), Алёна Яковлева, Марина Богданова (Чермакова) да молат алмаштеныт. Мыят изиэм годым «Ямде лий» да районысо газет дене кылым кучанам. Кеч тунам журналист лиям манын шоненат омыл.

– *Газет кугыеҥ-влаклан пўлеклалтын гынат, йоча-шамычым ўрдыжеш огыда кодо. Нунылан «Ужар лыштит» лаштыкым ямдыледа. Тудын тўн шоньмашыже могай?*

– Ўдыр-рвезе-влакым «Кугарня» газет дене



### Пагалыме кугарнязе-влак!

«Кугарня» газетын лекташ тўнжалмыжлан 30 ий темме дене шоҥкышын саламлена. Те марий калыкын тўвыражым, йылмыжым, сьлнымутшым вияндымашке кугу надырым пыштеда. Ончыкыжымат чулым лийза, тыгак йонгалтше йўкда, сьлне да поро лийже ушан шомакда! «Ямде лий» газет редакцийын пашаеҥже-влак.

изинек палдарыме шоньмаш дене ышталтеш. Ынде «Кугарня» ден «Ямде лий» газет редакций-влак, ик предприятийыш ушнен, пырля пашам ыштена. Сомыл утларак ешаралтын. Икшыве-влакым марла йоча газет дене кылым кучаш кумыланден, илен-толын, самырык-влаклан пўлеклалтше савыктышыш возкалаш але уста коллективыш пашам ышташ ушнаш таратен моштыман.

**Л.ГРИГОРЬЕВА мутланен.**

**Снимкыште:** газетын пашаеҥже-влак Кужэҥер район Контанур школышто спорт пайрем годым.

**Фотом редакцийын архивше гыч налме.**



### Синквейн

Еш  
Пенгыде, икоян.  
Сакла, полша, йбрата.  
Еш – ильш энертыш.  
Вий.  
**Маша ВАСИЛЬЕВА.**  
Волжский, Сотнур.

### Чот йоратем

Авамын лүмжө – Надя. Кожлаер школышто изирак класслаште йоча-влакым туныкта. Мыйын авам пеш мотор: түрвыжө лышташ гай, чурийвылышыже тылзе гай йыргешке. Тудын кумылжо пеш поро. Мөнгыштө сай, пашаче озавате. Мыланна тамле кочкышым шолта, эре мом-гынат күзштеш. Мый авамым чот йоратем.

**Дария КУШАКОВА.**

**Морко, Коркатово.**

### Кенез Изи озавате Кочкыш

Игече пеш шокшо. Сандене иктаж-мом йүштыракым кочмо шуэш. Авам дене тыгай кочкышым ыштена: ужал шоганым, укропым тыгыдын пүчкедена. Изишак шинчалым пыштен туржына. Тушко үмба-лым ешарена да юалге вудым опталына. Кочкыш ямде! Ыштен ончыза!

**Екатерина ВЕРЕНИЧ.**  
Медведево, Руэм.



### Авам – туныктышо

Авам Людмила Ивановна школышто туныктышылан пашам ышта. Тунемшыже-влак 4-ше классыш вончышт. Мыят тиде классыште шинчымашым погем. Классыште латкудытын улына. Авам поро кумылан, сай. Урок-влакым онайын эртара. Кеч-могай мероприяти-йышке мемнам уша. Авайлан сурт коклаште шуко паша логалеш. Кертмем семын эре полшаш тыршем.



Фотом еш архив гыч налме.

**Эмилия ИЛЬИНА.**

**Морко, Унчо.**

### Пенгыде суртоза

Ачам Иван Геннадьевичлан – 32 ий. Тудо Набережный Челна олесе кумдан пальме автомобиль заводышто слесарьлан пашам ышта. Яра жапше годым у пörтым ялыштына чога. Мыят кертмем семын полшем, воктеныже шогылтам. Ачам – ешын үшанле да пенгыде суртозаже, энертышыже.

**Саша ИШКАТОВ.**

**Татарстан, Агрыз, Кадрек.**

Тўналтышы-же – икымше лаштыкыш-те.

**Кристина** йочасадышке коштымышж годымак мурсемлан шўмангын. «Пеледше тукум» республикысе конкурсышто шкет мурымо дене 2-шо верым сеген налын. Тўналтыш класслаште тунеммыж годым «Самырык тукум» конкурсышто мастарлыкшым ятыр гана ончыктен. Кумдан пальме семмастар Д.М.Кульшетов лўмеш эртаралтше «С песней по жизни» регион-влак кокласе фестивальште лауреат лийын. Пайрем-фестиваль Киров кундем Уржум район Посе ялыште эртаралтын. Кристина колледж пеленысе «Шўшпык»

ансамбльште мура. Совла дене шоктышо ансамбльшке коштеш.

**Артём** акаж дене кугешна да тудын деч вараш ынеж код. «Шўшпык» ансамбльын чолга участникше. Тўмыр дене мастарын перкала,

### Марий тўвыра – чоныштышт

балалайке, гармонь дене шокташ тунемеш. «Звезда удачи» да «Шанс» тўнямбал фестиваль-конкурслаште мурым йонгалтарымыж дене лауреат лўмым сулен.

– *Ме марий мероприяти-ийлаш ушнашак тыршена. «Пеледыш пайремым», Ёярням, Шорыкйолым кажне ийын пайремлена. Угинде пайремыште лийынна.*

Марий концертым ончаш йоратена. Чыла вере йоча-влакым пелен налына. Икшывым шочмо калыкын тўвыраж дене узинек палдарыман. Ме йочана-влаклан марий калык йўла нерген шуко каласкалена. Кзыт

ятыр сылне муру уло, но калык фольклорым мондаш огеш лий. Ожнысо илышым от палегын, сай ончыкылыкет огеш лий. А мемнан ончыкылыкна – икшыве-влак, – ойлат ача-ава.

Икоян ешыште йоратымаш дене вўдылалтын кушшо йоча-влак ончыкыжым ача-аван ўшаныштым шуктат манын каласаш лиеш.

**Х.АЛЕКСАНДРОВА.**

## Шольым

Уло мыйын изи шольым,  
Мыйын гае тудо чулым.  
Эр эрдене кынелеш,  
Почешем эре коштеш.

Лектам түгө – почешем,  
Пурем пörтыш – почешем.  
Куш каем – кая пелен,  
Модашат кая воктен.

Мый шылам гын, кычалеш,  
Огеш му гын, чот шортеш.  
Ваш келшен ме илена,  
Икте-весым аклена.

**Анна АНДРЕЕВА.**

**Кужэнер,  
Тошто Йүледүр.**

## Шерге ег – шанче пашаен

Авам Руэм посёлкышто верланыше Ялозанлык шанче институтышто пашам ышта. Паренге дене түрлө опытым эртарам. Эше Марий кугыжаныш университетыште аспирантурышто тунемеш. Сурт коклаште сомылжо шуко. Шүжарем дене полшена. Мый күмыж-совлам мушкам. Шүжарем күварым үштеш. Пакчаште шүкшудым кұрына, шудым удырена. Авана куана да мемнам мокталта.

**Максим УДАЛОВ.**

**Медведево, Руэм.**



Фотом сийлэше гыч неле.

## Пашаче ачам

Ачамын лүмжө – Юрий. Тудо токарь. Тиде паша неле гынат, ачамлан келша. Тудо шуко еглан полша. Кенезым мүкшым онча. Вара теле гоч тамле мүй дене мемнам сийла. Мый ачамым мүкш-влак дене танастарем. Тудат нунын гаяк пашаче.

**Альбина ИЛЬИНА.**  
**Морко, Энерсола.**

**Шочмо ача-ава деч поро иктат уке.**

**Калыкмут.**



## Поро кочаем

Кочаем Николай Митяков – весела койыш-шоктышан, поро кумылан айдеме. 1971 ийыште Йүдвел флотышто служитлен. Арми деч вара Памашэгер клубышто вуйлатыше лийын. Вара колхоз пашаш ушнен. Зоя ковам дене кок шочшым йол үмбаке шогалтеныт. Кызыт кум уныкан улыт. Йоратыме кочаем, пенгыде тазалыкым тыланем.

**Константин АНТОНОВ.**

**Волжский, Сотнур.**

## Чылан тауштат

Авам Йоплан ялыште шочын. Ешыштыштын үдыр лийын. Авамым эн пашачылан шотлем. Эн ончыч Морко посёлкысо кочмыверыште ыштен. Кызыт школышто йоча-влаклан тутло кочкышым ямдыла. Тудлан чылан тауштат.

**Даша КОРЯКОВА.**  
**Морко, Шүргыял.**

## Пырля модына

«Сүрет почеш йомак» модыш дене еш дене модаш лиеш. Тидлан пörтым, пушенгым, йомак гыч герой-влакым да молым сүретлен, 10-20 картычкым ямдылыман. Модаш тўналме деч ончыч кажнылан вич картычкым пуыман. Модшо ег нунын почеш йомакым шонышаш.



## Тале күсле

Кугезе ковамын шольыжо, Варфоломей Алексеевич Алексеев (ялыште тудым Варский маныныт), тале күсле лийын. Ик пайремат тудын деч посна эртаралтын огыл. Уста күсле Павел Тойдемар тудым артистлан тунемаш нангайынеже улмаш. Суртышто шуко паша улмылан көра аваже тореш лийын. Варский коча күслем шке ыштен моштен. Ыштен шуктыдымо ик күслеже мөнгыштыжө кызытат аралалтеш.

**Оля СТЕПАНОВА.**

**Морко, Шап Унчо.**

## Эн лишыл

Йоратыме авам, мылам тый эн лишыл айдеме улат. Тый денет куанем, шўлыкем пайлем, чон почын кутырем. Ушан шомакет нелылыкым сенаш полша. Палем, тый мыйым моткоч йоратет да сай айдемым куштынет. Мыят тыланет полшаш тыршем. Илыш кеч-кузе савырна гынат, шарне: мый тыйым чот йоратем.

**Лиана ФЁДОРОВА.**

**Волжский,  
Пөтъял.**



Фотом сийлэше гыч неле.

## Колышт,



# КУГОРНЫШ ЛЕКТАШ ИДА ВАШКЕ

Морко район Коркатово гыч Д.Кушакова деч серыш пурен: **«Ачам ден авам шижерте огыл велосипедым налын пуэныт. Сайын кудалыштын моштем гынат, кугорныш лекташ огыт кўштө. Трассыш мыняр ияш лектын кертам?»** Ёдырын йодышыжлан вашмутым Россиясе элгөргө паша министрствын Морко районысо полиций отделжын старший участковый уполномоченныйже, майор **С.О.СМИРНОВ (снимкыште)** пуа:



– Велосипед – тиде транспорт, а велосипедист – транспортым вўдышө ен. Сандене тудо корно правилым сайын палышаш. Корнышто лўдыкшыдымылыкым эскерен, писылыкым иземден але кугемден, кўлеш могырыш савырнен кудалышт моштышаш. Кугорныш 14 ияш деч кугурак-влаккан лекташ лиеш. Туге гынат тўткө лийман, лўдыкшыдымылык нерген мондыман огыл. Рulьым ик кид дене кучен, багажникыш еным шынден кудалыштман огыл. Кудалме годым телефон дене мутланаш ок лий. Шарныза! Корно пра-



вилым пудыртышо-влаккан штрафым тўлыктат.

– **Сергей Олегович, кугорныш лекше велосипедист-влакын вургемышт ойырте малтше лийшаш вет?**

– Шинчаш перныше, чевер тўсан вургемым чияш тыршыман. Вургемыш тўрлө форман светоотражательным икмыняр вере пижыкташ лиеш. Тыгодым водитель велосипед дене кудалшым тора гыч шеклана. Вуйышко өшлөкым (шлемым) чияш мондыман огыл.

– **Касеш кодшо велосипедист-влаккан мом палыман?**

– Корныш лекме деч ончыч тормозым, йынтырым, фарым эре тергыман. Фар уке гын, йошкарге але ош тўсан светоотражающий элемент ончылно да шентелне лийшаш. Кок могырышто – саре але йошкар тўсан светоотражатель.

### С.О.Смирнов деч икмыняр ой-кагаш:

- ➔ Велосипедым палыдыме енлан ида пу.
- ➔ Велосипедлан келыштарыме көгөнум кучылтса. Тудо кўжгў да пенгыде лийшаш.
- ➔ Велосипедым йўдлан уремеш ида кодо.
- ➔ Ёштылалтдыме чия дене тўрлө знакам але орнаментым велосипед рамеш але ораваш сўретлен кертыда.

3 июль – ГИБДД-н кечыже.

Е.ИВАНОВА.

## ШУЛДЫРАН ЙОРАТЫМАШ

Шинчашкет  
шыман гына ончалын,  
Шўдырын  
чўкталтмыжым ужам.  
Ваштарешет порын  
шыргыжалын,  
Изи шўмем  
пөлеклышым тылат.  
Улат тый  
эн кугу энгертыш,  
Куаным вел  
мылам кондет.  
Волгыдо  
кечийол гай окнаште  
Мыйым тый  
шулдырандет.  
**Юлия ИВАНОВА.**  
**Кужэгер, Шорсола.**

Йоратыше ең кава гыч шїдырым волта.

Калыкмут.



## ЧЫН КОРНЫШ ШОГАЛТЕН

Миша – ял гыч толшо рвезе. Тудлан олесе ўдыр-рвезе-влак дене кылым муаш нелырак лийын. Икана Миша у йолташым вашлийын. «Икмыняр кас пырля жапым эртарыме деч вара у йолташыже Мишалан «палыдыме йорварым» темлыш»...

Мыйын шонымаште, тудо аярым вигак тамлен огыл. Ала лўдын, ала мо лийын кертым умылен. А вес гана «слабак» манын ойлымышт деч вара торешланен огыл. Аярым тамлыме деч вара Миша чынжымак вашталтын. Весела, нөлталтше кумылан коштын. Йолташыже-влак денат кутыраш куштылгырак лийын. Миша уремыште углак жапым эртараш тўгалын. Но тренировкыш коштым чарнен огыл. Мишан вашталтмыжым эн ончыч тренерже шижын. Ик кастене тренировка деч вара Миша дене мутланаш кумылангын. Рвезе ондалаш тыршен гынат, тренер чыным пален налын. Уда койыш да наркоман-влакын ончыкылыкышт нерген раш умылтарен. Кастене Мишан жапше шагалрак лийже манын, ешартыш тренировкыш ўжын. Спорт дене кылым кучымыжо рвезылан полшен. Тренер Мишам йонгылыш корныш шогалме деч коранден кертын.

**Настя ИВАНОВА.**

Морко, Коркатово.



28  
майыште  
савыкталтше  
«Йонгылыш корныш ит шогал»  
материал  
почеш.

## Капкылнам шуарена

Кенеж канышыште Антон, Ангелина, Ксюша, Никита, Алина йолташем-влак дене мом гына огына ыште: куржталына, тӱрштылына, шылын модына. Футболла, бадминтон дене модаш да йӱштылаш кошташ утларак келша. Кожласола ерыште вӱд леве. Тушто кечыгут канаш лиеш. Тыге кенеж гоч спорт дене кылым кучен, капкылнам шуарена.



Анна ВИНОГорова.

Звенигово, Кожласола.

### Синквейн

Кенеж  
Шокшо, ужарге.  
Модыкта, ырыкта, куандара.  
Йоча-влак ерыште йӱштылыт.  
Пагыт.

Регина ГРИГОРЬЕВА.

Морко, Энерсола.

астильбым, хостам шуко шынденна. Вейгела, миндаля тений мемнам куандарат. Пеш моторын пеледыныт. А ирисше могай сылнын коеш. А те, йоча-влак, пеледышым йӱратеда?

Волжский, Упшер.

Мыйын кенеж канышем пайдалын эрта. Теве кӱтӱчӱ (снимкыште) лийын шуктышым. Олыкшшто сай, но игече пеш шокшо: кече утыждене ырыкта. Ом шылте, пормыжат витара. Тыгай годым вольык Немда энерыште ятыр жапым эрта.



## Кӱтӱчӱ улам

Фотом еш архив гыч налме

Костя ШЕХУРДИН.

Шернур, Кукнур-Купсола.

## Сылне пеледыш

Ме ешыште пеледышым чылан йӱратена. Розам, ирисым, тения мемнам куандарат. Пеш моторын пеледыныт. А ирисше могай сылнын коеш. А те, йоча-влак, пеледышым йӱратеда?

Саша СТЕПАНОВА.

## Тӱня куана

Я эрдене, кечывалым «Кекре-кре-е-е-ек!»  
колам мый мурым.

Кече онча кажне луыш,  
Кӱтӱ лектеш олык лапыш.  
Йошкарге, канде пеледыш –  
Тиде мландын леведыш.  
Куку мура, шӱшпык шӱшка,  
Тыгай годым чон лушка.  
Ошын койын, молан  
Пеледеш мотор полан?  
Тыге тудо сылнештеш,  
Саска дене алмаштеш.  
Пеледалт шога садер,  
Саска ден темеш вондер.  
Олмажат мотор, чевер,  
Ой, могае сылне вер.  
Чодыра мотор, ласка.  
Ах, могай уке саска!  
Турнявӱчыж, энжж, модо,  
Ит ӱркәне, поген кондо.  
Кӱ ок йӱрате кенежым,  
Тудын шокшо игечым!?  
Илыш шолеш, тӱзлана,  
Уло тӱня куана.

Даша СОШИНА.

Морко, Купсола.



## 6 июль – Вуйшӱдышым пидме кече.

### Мастар кид

Сӱретым ончен,  
вуйшӱдышым  
пидаш тунемза.

Кеч-могай  
пеледышат шке  
семынже ӱпшалтеш.

Калык пале.



«Ямде лий» йоча газет  
Тӱн редактор  
Л.Н.ГРИГОРЬЕВА.  
Индекс: П4696.  
Тираж 1550 экз. Заказ  
Формат – А-4-8.

[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: ямделий.рф

УЧРЕДИТЕЛЬ-ВЛАК: Мари  
Эл Республикысе  
культура, печать да калык-  
влакын пашашт шотышто  
министерстве, «Ямде лий»  
газет редакций.

Газетым редакцийыште погы-  
мо да верстатлыме, «Марий Эл  
Республикысе Правительствын типографийже» ООО-што  
ямде оригинал-макет гыч савыктыме. Типографийын  
адресше: 424000, Йошкар-Ола, Комсомольский урем, 112.

Газетым Массовый коммуникаций  
сферыште да культур наследийым  
аралымаште законодательствым шук-  
тен шогымым эскерыше Федеральный  
службын Приволжский федеральный  
округысо управленийыштыже регист-  
рированылыме.  
Номер – ПИ №ФС 18-1999,  
2005 ий 10 февральыште пумыо.

0+

Печатьыш пумыо жап –  
14-00,  
фактически – 13-00

Авторын да редакцийын шонымашышт тӱрлӱ лийын кертыт. Серыш-  
влак мӱнгеш огыт колталт.  
Ак – кутырен келшыме почеш.

Редакцийын да издателын адресше:  
424006, Йошкар-Ола, СССР Вооруженный  
Вийын 70-ше идалыкше урем, 20-шо пӱрт.  
Тел. 8(8362) 45-22-82(факс)



**Конкурс**

**Катя БАШИРОВА.**  
Татарстан, Агрыз, Буймо.




**Кенгежын чияже**

**Маша МАМАЕВА.**  
Кужэгер, Кугу Регеж.




**Иделия ИШМУРЗИНА.**  
Татарстан, Агрыз, Буймо.

Сүретьлен пытаныза.



Кайык, кол да лыве мөңгышт вашкат. Нунылан корным муаш полшыза.



Нине арвер-влакым сүретыште муза.



Рушла гыч марлашке кусарыз.

Ойырен палемдыме клеткылаште том возымо?

**Кроссворд**



1. Земляника.
2. Шиповник.
3. Лопух.
4. Красная смородина.
5. Яблоня.
6. Осока.
7. Воздух.
8. Лесная ягода.
9. Ребёнок.

**Ангелина МОЧАЛОВА.**  
Советский, Ёрша.

Шылтыме цифрым пален налза.



**Тушто**

Модыра дечат кижшө,  
волгыдо дечат волгыдо.

